

杜

詩

闡

杜詩闡第七卷目

移華州棧

題鄭縣亭子

望嶽

早秋苦熱

留花門

觀安西兵

寄高詹事

遣興

遣興

九日崔氏莊

東山草堂

寄李白

懷鄭司戶

至日

冬末之東都

姜少府設餽

戲贈秦少府

呈揚綰

胡馬行

觀兵

憶弟

得舍弟消息

不歸

洗兵馬

新安吏

石壕吏

新婚別

老別

無家別

杜詩闡卷之七

同學主日藻却非氏

華亭盧元昌文子氏述

武林弟 璉漢華氏訂

出華州詩

乾元元年

至德二載甫自金光門出間道歸鳳翔乾元自從左

遺移華州橡與親故別因出此門有悲往事

公奉謝曰刺狀云臣以陷身賊庭憤惋成疾實從間道獲謁龍顏此間道也與親故別即喜達行在詩中所親驚老瘦之所親述懷詩中親故傷老醜之親故也

此道昔歸順西郊胡正煩至今猶破膽應有未招魂

間道

近侍歸京邑移官豈至尊無才日衰老駐馬望千門

四句自拾
遺出華州

此金光門外之間道我曾從此歸順本朝者此時賊滿
西郊於萬死一生中脫身來赴至今思之膽為破魂為
驚我至德二載間道歸鳳翔出金光門如此當時府君
見主涕淚受官扈從還京身居諫省豈料今日諫官不
終復移華棧展轉思維夫豈至尊之故亦無才使然也
自恨無才中道背棄况年日衰老長與君辭從此金光
門一出青瑣朝班滄江入夢長安宮闕北斗空瞻我乾
元元年從拾遺移華棧又出金光門如此○此道即間
道從此道歸者為順不從此道歸者為逆當時從此道
歸者有幾人此道昔歸順句非漫下時房琯杵肅宗公
因房黨故出華州似移官亦至尊之故
忠臣去國不對其君詩之可以怨者

題鄭縣亭子

鄭縣亭子澗之濱戶牖憑高發興新雲斷岳蓮臨大路天

晴宮柳暗長春

四句題鄭縣亭子

巢邊野雀羣欺燕花底山蜂遠

越人更欲題詩滿青竹晚來幽獨恐傷神

四句感懷

華州鄭縣有西溪亭在澗之廣憑高一望詩興發矣於雲斷處見岳蓮朶朶下臨姚鵲屯兵之大路於天晴時見宮柳垂垂直臨高祖偶舍之離宮亭景如此惟是請它上國寂寞無徒最可憎者野雀從巢邊羣來欺燕燕何從於雀受傷至是尤可畏者山蜂從花底遠來越人蜂何恨於人不亡情至是題亭而後更擬題竹無奈謫官寡拙幽獨傷神始焉憑高發興晚來與盡忽止耳○羣小猶野雀山蜂也公被謫而出故有感於野雀欺燕公出金光門以來業遠羣小猶恐不免故有懼於山蜂越人幽獨傷神正畏此耳

望嶽

西嶽峭峻聳處尊諸峯羅列似兒孫

二句

安得仙人九節

杖拄到玉女洗頭盆

二句

車箱入谷無歸路箭栝通天有

門二句應

稍待秋風涼冷後高尋白帝問真源

次聯二句應

西嶽嶒嶒其巔絕處為眾峯尊故眾峯輔於下者如見
孫羅列然我欲一躡其頂奈無王烈九節之杖直到玉
女洗頭之盆耳最深險者車箱峽入谷杳無歸路極窄
狹者箭栢嶺通天僅有一門何日始登庶幾秋風涼冷
白帝司令為西嶽本命時此時直躡峯頭真源可問亦
何須九節杖亦何止到玉女盆而已○公出華州以見
愠羣小不得於君故寓感於望嶽曰安得仙人九節杖
悲青雲無梯也曰車箱入谷無歸路喻人情險難也曰
箭栢通天有一門分明望君門今九重欲向重華陳辭
也故遂結曰稍待秋風涼冷後高尋白帝問真源何以
待涼冷後時小人之焰方張也意者移官豈至尊公反
覆思之未得其故故欲向白帝問真源按西嶽為玄宗

命本

早秋苦熱堆案相仍

月六日苦炎熱對食暫餐還不能

二句早每愁夜中

是蜴况乃秋後轉多蠅二句束帶發狂欲大叫簿書何急

來相仍二句南望青松架短壑安得赤脚踏層冰結苦

秋令苦炎食不下咽而况蜴蠅又投間抵隙也夫蜴木
毒蟲至夜而集物之陰者青蠅見刺於風人適從何來
乃集於此此時束帶視事已欲狂叫何堪簿書紛來堆
案盈几何以解此熱青松短壑間層冰堪踏其如南望
未能即得何○當時朝中小人如王珣崔園又有李輔
國之奸惡其為蜴蠅不一而足公憂讒畏議不能顯斥
托之此物束帶發狂即陶潛不肯束帶見督郵意薄
書何急即嵇康絕交書七不堪意總是棄官之思

畱花門

至德二載九月朝廷用回紇兵以討賊既收兩京葉護
奏以軍中馬少請留其兵於沙苑自歸取馬此詩之作
當在乾元元年秋公主既嫁葉護馬還長安時因詩中
有胡為傾國至公主歌黃鵠二句也按史乾元元年秋
七月肅宗以幼女寧國公主妻回紇可汗送至咸陽公
主辭訣曰國家事重死且無恨是歌黃鵠八月回紇可

是傾國至公追歎沙苑之留為失計故作留花門

北門天驕子飽食氣勇決高秋馬肥健挾矢射漢月

四句花門

自古以為患詩人厭薄伐修德使其來羈縻固不絕

四句不當

留胡為傾國至出入暗金闕中原有驅除隱忍用此物公

主歌黃鵠君王指白日連雲屯左輔百里見積雪長戟身

休飛哀笳曉幽咽

以上

田家最恐懼麥倒桑枝折沙苑臨

清渭泉香草豐潔渡河不用船千騎常檄烈胡塵踰太行

雜種抵京室花門既須留原野轉蕭瑟

以上留之害

花門回紇天之驕子其氣飽颺秋高馬肥挾矢射獵何有於漢月哉自古患之即薄伐猶以為厭惟務修德招徠羈縻不絕不聞留之也今回紇之來胡為傾國使氛侵之氣滿閭閻問夫亦慶緒未除隱忍用之耳况公上

下嫁黃鵠作歌相與要盟指日示信遂使神京左輔花
門留此者穹廬蔽野勢若連雲一望白衣有如積雪而
且載回飛鳥笳咽曉風花門留矣蹂躪原野麥倒桑枯
所惜沙苑一帶本泉香草潔之地而顧使花門飲馬於
此千騎滅沒使馬如船而況史賊又踰太行而來維種
直抵京室而處田疇已經蕭瑟花門留而蕭瑟轉甚甚
矣留之失策也

觀安西兵赴關中待命二首

時朝廷命郭子儀等九節度大舉討慶緒李嗣業統安西四鎮兵來待命關中公喜而賦之

四鎮富精銳摧鋒皆絕倫還聞獻士卒足以靖風塵

四句觀安

丙兵老馬夜知道蒼鷹飢著人臨危經久戰用意始知神

四句

李嗣業

安西節度撫寧西域統龜茲于闐焉耆疏勒四鎮兵其
精銳摧鋒皆絕倫者但恐不爲朝廷用命耳今聞其

兵過此將獻士卒風塵何難立靖况主將李嗣業立功
邊陲屢摧勅敵身爲老馬夜不失途者卒亦蒼鷹飢則
附入者夫不臨危不久戰其神不見必臨危而經久戰
然後用意始見其神以此主將統彼銳師往而推敵易
也

奇兵不在衆萬馬救中原談笑無河北心肝奉至尊

四句
嗣業

孤雲隨殺氣飛鳥避轅門竟日畱歡樂城池未覺喧

四句
赴關

命
中待

四鎮精銳精銳故奇何以多爲萬騎足矣彼慶緒今日
尚據河北六十餘城中原之地陷溺猶多嗣業此來談
笑之間已無河北心肝所有皆奉至尊於是待命關中
殺氣凜烈孤雲隨之轅門整肅飛鳥避之而且竟日歡
宴城池不喧節制如此是
役也早決其能滅賊矣

寄高三十五詹事

安穩高詹事兵戈久索居

領下六句

時來知宦達歲晚莫情疎

天上多鴻雁池中足鯉魚相看過半百不寄一行書

言別以來高公無恙但兵戈既久爾我索居耳詹事則宦不達矣時不終否泰來有時索居則情已疎矣人壽幾何如此長別公竟情疎於我若得母天上無鴻可以寄書乃天上非無鴻得毋池中無鯉可以寄書乃池中非無鯉况五十之年忽焉已過人素杳然真情疎矣此我所不解者○初適領廣陵十二郡節度江淮平永王璘淮南兵罷李輔國忌其才下除詹事下除時適有詩云小人何不仁請我成死灰宜此詩有安穩詹事時來宦達二語

遣興五首

朔風飄胡雁慘澹帶沙磧長林何蕭蕭秋草淒更碧

四句比興

北里富薰天高樓夜吹笛焉知南鄰客九月猶絺綌

四句相形

寫其富。朔風一來。飄胡雁。飛沙礫。木葉盡脫。獨草色還碧也。彼北里富家。其氣薰天。高樓弄笛。若不知有朔風慘澹者。豈知南鄰窮士。當此九月。尚未授衣。而絺兮綌兮。淒其以風。所云秋草淒更碧者。非耶。甚矣北里不足羨。南鄰不足戚也。

長陵銳頭兒。出獵待明發。驛弓金爪鏑。白馬蹴微雪。

四句出獵

未知所馳逐。但見暮光滅。歸來懸兩狼。門戶有旌節。

四句歸獵

寫其豪。北里富者。卽如白起之長陵。銳頭兒也。乘時倚勢。觀其出獵。明發卽行。張驛弓。挾金鏑。控馬踏雪。未知所逐者何方。但見平明出。抵暮歸。夕陽滅沒而已。揚揚自得。歸懸兩狼。觀其門戶。有旌節之榮。亦足豪矣。○待明發。謂其及時逞志。暮光滅。旁觀者歎其末路。

漆以用而割膏以明。白煎蘭摧白露下。桂折秋風前。

四句興

府中羅舊尹。沙道向依然。赫赫蕭京兆。今爲時所憐。

四句指其人

寫其貴。銳頭兒，卽蕭京兆一流耳。漆無用，不割矣。今以用而割，膏無明，不煎矣。今以明而煎，蘭不芳，不摧矣。今以芳而摧，桂不馨，不折矣。今以馨而折，才可恃，勢可倚乎？彼宰相有沙道宰，相府中所羅舊尹，彼時沙道尚未壞也。如蕭京兆者，亦赫赫一時。今日安在？徒爲人所哀憐耳。才盡勢亦盡，理有固然。無足怪者。○蕭京兆，卽蕭吳，吳與吉溫相結，附李林甫，爲宰相，私人舊尹，卽京兆尹。府中沙道指林甫，吳爲林甫私人，爲其所網羅者，故曰羅舊尹。

猛虎憑其威，往往遭急縛。雷吼徒咆哮，枝撐已在脚。忽看

皮寢處，無復睛閃爍。

六句比興

人有甚於斯，足以懲元惡。

二句指其人

寫其威。蕭京兆，卽猛虎也。莫猛於虎，有時遭縛，旣已遭縛，因而枝撐在脚，其皮直爲人寢處，而無復睛光，向時憑其威者，今安在哉？彼元兇取禍，甚於猛虎殺人者，自殺之媒，戒之戒之，毋至遭急縛，始自悔也。○猛虎近指吉溫，南山白額虎，非。

朝逢富家葬前後皆輝光共指親戚大鯁麻百夫行

四句笑其

愚送者亦有死不須羨其強君看束縛去亦得歸山岡

四句

之喚醒

總結 彼北里富家所謂銳頭兒蕭京兆者固猛虎也
朝逢其葬矣前後送者何其盛耶觀者莫不指其親戚
之大即為鯁麻服者亦有百夫行况其他也然送者之
人亦為人送况富家之已葬者又安足羨昔之強者莫
如諸葛恪乃孫峻亦得束縛之以投山岡生者之強尚
如此死者之強可知矣富豪權貴同歸於盡回首南鄰
絺綌之叟固窮於朔風慘澹間雖一時苦寒禍患不及
差足恃也○以富起以富收故知五章為一人一人是
蕭京兆

遣興三首

三章遣興皆切東都因故宅及諸弟因諸弟及親友

蓬生非無根漂蕩隨高風天寒落萬里不復歸本叢

四句與

客子念故宅三季門巷空悵望但烽火戎車滿關東生涯

能幾何常在羈旅中

結還首四句意

蓬生有根今從風萬里漂蕩不歸有根者無根矣我故宅在東都三年以來奔竄靡定言念故宅門巷闐然所以然者一望烽火戎車載道關東諸處安慶緒據城未下九節度方會師以討也因歎吾人生涯如蓬有根生涯幾何常爲羈旅不幾於蓬生離本根哉

我今日夜憂諸弟各異方

領下八句

不知死與生何況道路長

避寇一分散飢寒永相望豈無柴門歸欲出畏虎狼仰看

雲中雁禽鳥亦有行

我雖不得歸豈無諸弟詎知我日夜煎心者諸弟亦各異方哉我煎心之至者不知其生耶死耶何況道路之

長者消息更阻也。所以然者。昔因避寇而分。至今寒
木息。遂令飢寒不顧死生。契濶回首柴門如故也。然兩
虎狼可畏也。虎狼載道。則鴻雁分飛。乃鴻雁原自成行。
諸弟不復聚首。亦獨何哉。○公諸弟如觀豐頴或濟州
或許州或江左從公者。惟
占死河間者。又有從弟。

昔在洛陽時親友相追攀送客東郊道遶遊宿南山

四句追言

初別煙塵阻長河樹羽成臯間

二句不得歸之故

回首載酒地豈無

一日還丈夫貴壯健慘戚非朱顏

挽起意結

憶我初別洛陽親友追攀者。祖餞東郊南山信宿一時
情事。依依如昨。自謂不久當歸。詎料長河一帶忽阻。峰
煙成臯故墟。非復疇昔當年載酒之地。化為樹羽之場。
致令親友長別耶。庶幾亂定。重過酒壚。自念豈無一日。
但丈夫行樂貴於少壯。所慘戚者。朱顏早凋。縱洛陽再
盛。故人已老。東郊送客。竟為永訣。南山遶遊。真成夢想。
矣。○成臯屬洛陽。隋安慶緒據河北。汲鄴七郡是煙塵。
阻長河。朝廷於九月命九節度會師討慶緒。屯兵鞏洛。

間將濟河趣鄴故
曰樹羽成臯間

九日藍田崔氏莊

老去悲秋強自寬興來今日盡君歡
羞將短髮還吹帽笑倩旁人爲正冠

四句九日

藍水遠從千澗落玉山高並兩峯寒

二句藍田莊

明年此會知誰健醉把茱萸仔細看

結應首二句

悲哉秋之爲氣况逢老去戚戚何爲爲此興來今日九
日與崔侯盡歡而飲老去故羞將短髮吹落風前之帽
參軍非我事矣興來故笑倩旁人正我頭上之冠龍山
猶不遠耳不見莊前秋景藍田之水直從西北千澗合
流俱落藍田之山直與太少兩峯對峙俱寒秋氣蕭森
如此既已老去明年此會未知誰健幸今興來茱萸一
枝能勿珍重哉

崔氏東山草堂

愛汝玉山草堂靜高秋爽氣相鮮新二句東山草堂有時自發鐘

磬響落日更見漁樵人盤剝白鷄谷口栗飯煮青泥坊底

芹四句草堂景物何事西莊王給事柴門空閉鎖松筠請客反結

藍田一帶莊舍不少獨愛汝玉山草堂者以其靜耳草堂既靜秋氣復爽靜與爽俱不亦相鮮新哉惟靜故鐘磬之聲有時自發惟爽故漁樵之人落日更見而盤中新判者有白鵝谷口之栗與飯共煮者止青泥坊底之芹我愈愛汝草堂矣草堂而外豈無西莊崔氏而外亦有給事給事有此別墅何不恬退謀林下之樂乃柴門空閉長此寂寂不幾今於筠笑人耶去崔氏遠矣

寄李十二白二十韻

昔年有狂客號爾謫仙人筆落驚風雨詩成泣鬼神四句叙其

才聲名從此大汨沒一朝伸文采承殊渥流傳必絕倫龍

舟移棹晚獸錦奪袍新白日來深殿青雲滿後塵

以上叙其遇

乞歸優詔許遇我宿心親未負幽棲志兼全寵辱身劇談

憐野趣嗜酒見天真醉舞梁園夜行歌泗水春

以上叙才交情

高心不展道屈善無鄰處士禰衡俊諸生原憲貧稻粱求

未足意茨謗何頻五嶺炎蒸地三危放逐臣幾年遭腸胃

獨泣向麒麟

以上叙其流夜郎

蘇武先還漢黃公豈事秦楚筵辭

醒日梁獄上書辰已用當時法誰將此義陳

以上辨其誣

老吟

秋月下病起暮江濱莫怪恩波隔乘槎與問津

以上望其歸

昔年有四明狂客賀知章者見爾文章歎為謫仙蓋由筆一落風雨都驚詩纔成鬼神亦駭耳自狂客號為謫

仙聲名震汭沒伸於是奏頌金鑾官居供奉流傳絕調羣唱清平龍舟泛而力士扶登樂章成而錦袍奪賜殿

中承寵白日頻移後輩依青雲常請仙榮遇如此
不足爲謫仙重也未幾力士見姬詔許乞歸賜金放還
因而遇我當年與孔巢父輩就爲竹溪六逸本欲幽棲
也此日還山素志未負本忘寵辱也落羽歸來出處能
全於時邂逅劇談憐其野趣倡狂嗜酒愛其天真與我
遊梁夜常醉舞與我客悲春復行歌請仙散放後同我
客遊如此庶可自全矣無奈才高異俗道屈違時俊如
璘豈爲稻粱之謀何嘗爲璘之參謀致來意以之謗遂
使五嶺長流三危遠放命懸鵬鳥道泣麒麟謫仙流夜
郎如此要豈其罪哉謫仙之於永王璘如蘇武陷匈奴
常思還漢也如黃公抗高節不願仕秦也如申生傅楚
元王王不設醴見幾思去也如鄭陽於梁孝王含冤下
獄欲上書自訟也然則安得有爲璘參謀之事惜當時
無以此義上陳竟施諸法致今日長流夜郎耳謫仙被
誣如此不足爲謫仙病乎今於五嶺三危之地老吟秋
月臥病寒江朝廷之恩澤永隔矣回首龍舟獸錦白日
青雲何可復得然乘槎有日終當問津似爾謫仙應歸
天漢夫豈老於夜郎已也○此詩叙白一生行狀最爲
詳確白於天寶初載官供奉旋放歸山此詩云乞歸後

詔許遇我宿心親是公與白交在天寶初年間不在開
元時云醉舞梁園夜行歌泗水春是公與白遊又在往
來魯郡梁宋日不在壯遊齊趙時考白流夜郎聞醢不
與放後恩遇不霑皆有詩是怪恩波隔也故曰莫怪恩
隔波

有懷台州鄭十八司戶

公自注虔時坐汚
賊貶台州司戶

天台隔三江風浪無昏暮鄭公縱得歸老病不識路

四句總

昔如水上鷗今如罝中兔性命由他人悲辛但狂顧山鬼

獨一脚蝮蛇長如樹呼號旁孤城歲月誰與度從來樂贈

魁多爲才名誤夫子嵇阮流更被時俗惡海隅微小吏眼

暗髮垂素黃帽映青袍非供折腰具

以上叙
其貶謫

平生一杯酒

見我故人遇相望無所成乾坤莽迴互

四句結
還有懷

台地隔吳越三江風浪滔滔不休鄭公讀此亮無歸
日縱使得歸風浪如此老病如彼多應迷失耳我想鄭
公往日逍遙散誕本是水鷗今謫台州何異置鬼彼鬼
在置中性命焉保惟有狂顧思奔而已况台州地惡獨
脚山鬼如樹蝮蛇此物滿城誰與度歲凡此山鬼蝮蛇
卽魑魅之屬魑魅宜遠不宜禦蓋魑魅所妬者才名乃
才名又非禦魑魅之具古來逢魑魅與禦者多被才名
誤耳若嵇康若阮籍卒嬰世網鄭公才名四十年今日
見惡時俗何以異是所可痛者白頭司戶青眼茫茫束
帶掘衣折腰大吏公平生以故人遇我今日故人非他
人同是水上鷗同作且中鬼同爲橋阮流同着黃帽青
袍不肯折腰於大吏者平生痛飲盃酒相得今日我爲
司功公爲司戶一官拓落老而無成極目乾坤莽莽回
互相見知何日耶○篇中性命由他人所謂他人卽山
鬼蝮蛇魑魅之屬時
俗人而惡才名者

至日遣興奉寄北省舊閣老兩院故人二首

公歲茲辰捧御床五更三點入鵷行

二句去歲至日

欲知趨走傷

心地正想氤氲滿眼香無路從容陪語笑有時顛倒着衣

裳

四句今歲至日何人錯認窮愁日愁日愁隨一線長

結還遣興意

去年我扈駕還京長至賀節得左右侍從捧御床矣五更三點卽入鵝行彼時趨踰奔走夫豈傷心地今猶是趨走地爲傷心地者正想此御床前鵝行次氤氲滿眼香不可復見耳惟此氤氲香不復滿眼所以趨走地不禁傷心諸公身在氤氲中趨走地亦知我傷心之故正想此滿眼香否諸公此時語笑我亦欲從容以陪惜乎無路諸公此際衣裳我何由顛倒而着猶然有時古人以長至日爲愁盡日愁盡是愁窮也豈知自人言之錯認爲愁盡日自吾言之方許爲愁添日與線俱長也諸公亦念之否○趨走非爲華榮參謁郡將之說正是趨走於朝身不得與故曰傷心地

憶昨逍遙供奉班去年今日侍龍顏

承前章去歲茲辰二句

麒麟不

動爐煙上孔雀徐開扇影還玉几由來天北極朱衣只在

殿中問

四句正寫首聯

孤城此日腸堪斷愁對寒雪雪滿山

結還今年

至日意

我今弱踏華絳逍遙供奉不可復得猶憶去年今日入鵷行捧御床不嘗親侍龍顏哉此時香案之蓋麒麟不動而爐煙自直殿上之扇孔雀徐開而雙影交還彼玉几為龍顏所憑者由來北極朱衣傳呼以就供奉班者只在殿中往事如此一出華州遂違朝賀爐煙扇影恍然夢中玉几朱衣如在天上所對者孤城耳寒雲耳此日何日而對此也回首去年今日曾不料其有此日也閤院故人亦念我斷腸之故否

暫之東都回華州詩

乾元元年至二年

冬末以事之東都湖城遇孟雲卿復歸劉顥宅宿宴飲散為醉歌

疾風吹塵暗河縣行子隔手不相見湖城城北一開眼駐

馬偶識雲卿面

以上遇孟雲卿

向非劉顥爲地主，嬾迴鞭轡成高

宴。劉侯歡我攜客來，置酒張燈促華饌。且將欸曲終今夕，

休語艱難尙耐戰。照室紅爐促曙光，紫窗素月垂文練。

以上

宴劉顥宅

天開地裂長安陌，寒盡春生洛陽殿。豈知驅車復同

軌，點冬末以

事之東都。可惜刻漏隨更箭，人生會合不可常。庭樹雞

鳴淚如綫。

點宴飲散

馬首東都風吹塵暗途遇茫然矣。湖城北去忽遇雲卿，乃雲卿亦客。幸有劉顥爲東道主，不然回轍亦懶高宴。何由我攜雲卿同至？劉侯甚歡，置酒張燈，飭厨治具。劉侯曰：「今夕聚首，且語欸曲，縱使時事艱難，酣戰未息，姑置勿道。於時照室紅爐，曙光若促，紫窓素月，文練疑垂。我與雲卿盡歡於劉顥宅，如此蓋自長安陌上天開地裂以來，豈易得此歡會？幸而東都初定，洛陽殿裏春光再生，今日同軌至止，有劉顥宅之宴樂，所可惜者，刻漏

將盡更箭交催。湖城地主忽復天涯。馬上雲卿又成異路。荒雞一聲客淚俱下矣。○時東都初復。皇路再清。故客途邂逅得叙友朋之樂。公嘗曰。天下友朋盡膠漆。觀公遇孟雲卿同宴劉顓宅。情事甚爛熳。可喜。時九節度方圍安慶。緒於鄴。史思明又遙爲聲援。賊焰未消。故曰尙酣戰。

閩鄉姜七少府設鱸戲贈長歌

姜侯設鱸當嚴冬。昨日今日皆天風。河凍未漁不易得。鑿

冰恐侵河伯宮。

四句取魚

饗人受魚校人手。洗魚磨刀魚眼紅。

無聲細下飛碎雪。有骨已剝觜春。菰偏勸腹腴。愧年少軟

炊香飯。緣老翁落砧。何嘗白紙濕。放筯未覺金盤空。

以上設鱸

新歡便飽。姜侯德清。腸異味情。屢極東歸貪路。自覺難欲

別。上馬身無力。可憐爲人好。心事於我見。子真顏色不恨

我衰子貴時悵望且爲今相憶

以上志別

我適東都由湖城已到閬鄉又得姜侯爲地主爲我設
饌夫嚴冬設饌魚不易得况自昨至今天風交作風作
則河凍河凍則魚難漁難則魚何從取姜侯乃令校人
鑿冰而入勢必侵河伯之宮魚得矣饌可設矣此事非
養人不辨於是校人得魚養人受魚既已受魚因而洗
魚洗魚而後磨刀霍霍魚眼猶紅魚鮮矣磨刀者將以
鯨魚饗人善鯨遊刃於虛若然無聲聶而切之細於飛
雪內則曰魚去乙乙者魚有骨如乙篆形主之爲其鯨
也茲已剝而背爲頭上骨又非所去者但用芻以治之
養事畢鯨成矣魚之腹者尤在腹燕人膾脰切腹以獻
貴者姜侯以腹腴餽我非以我貴以我老也愧此年少
矣顧鯨之設者將以佐飯內則曰養老者五十則異棧
又恐其味薄沃之以膏軟炊香相姜侯非以我老故與
遙想此鯨落碁之時白紙不濕及嘗此鯨放筋之后金
盞未空此皆姜侯之德姜侯之情姜侯之心不意新歡
飽德多情如此所以東歸暫畱欲別且止凡人顏色雖
好心事却非姜侯於我拳拳然念我之老有加無已足
真也非僞也吾他年相憶正爲今日一鯨之設極不忘

耳若我長日甚子
貴有時何足道哉

戲贈閬鄉秦少府短歌

去年行宮當太白朝回君是同舍客同心不減骨肉親每

語見許文章伯

以上昔時鳳翔

今日時清兩京道相逢苦覺人情

好昨夜邀歡樂更無多才依舊能潦倒

以上今日閬鄉

猶憶去年行宮在鳳翔時與君相遇爲同舍郎不獨官
同舍交亦同心不減骨肉也不獨交同心文章亦同調
每蒙見許也今日兩京既復行宮亦歸我出華州君
閬邑謫官相逢客况亦無不同乃人情之好偏於困苦
時見而况昨夜追歡此樂更未有也所可漏者似君多
才不宜潦倒如何作尉下邑潦倒依舊天豈多才者能
潦倒無才者即
潦倒亦不能耶

路逢襄陽楊少府入城戲呈楊四員外綰

公自注甫赴華州日

許寄員外茯苓

寄語楊員外

寄語二字貫到末

山寒少茯苓歸來稍暄暖當爲斲

青冥翻動神仙窟封題鳥獸形兼將老藤杖扶汝醉初醒

少府爲我寄語員外曰茯苓之寄遲遲者山寒難得耳
斲茯苓必於二月新雨後計歸華州當在二月此時
暖當爲員外斲青冥而求之青冥斲則神仙之窟翻動
矣仙窟翻則鳥獸形之茯苓可得矣封題奉寄不敢後
耳華山不獨生茯苓兼產藤杖茯苓而外更貽老藤以
扶汝醉而初醒時幸少府寄語云○貽藤杖非謂綰真
高陽之徒按綰自賊中冒險赴行在除司勳員外郎與
公同功一體公出華州綰幸在朝貽以杖者欲綰持危
扶顛也特寓意於一枝

李鄴縣丈人胡馬行

丈人駿馬名胡騶前年避胡過金牛廻鞭却走見天子朝

飲漢水暮靈州自矜胡騶奇絕代乘出千人萬人愛一聞

盡說急難才轉益愁向驚駘輩

以上寫急難才

頭上銳耳批秋竹

脚下高蹄削寒玉始知神龍別有種不比俗馬空多肉

四句

寫骨相

洛陽大道時再清累日喜得俱東行

二句亦兼有事之東都

鳳

臆龍髻未易識側身注目長風生

結挽自矜意

丈人胡騶前年避亂曾過漢中金牛峽將入蜀追扈上
皇繼而迴轅走見今上於靈武此時朝漢水暮靈州一
何神速蓋此騶自矜神駿爲千人萬人所愛盡說其有
急難之才者我一聞傾心自顧驚駘何堪並駕而况雙
耳竹批四蹄玉削蓋龍種而非凡胎骨馬而非肉馬也
今日東都初復犬道蕩蕩丈人有洛陽之役我得與丈
人同行自傷驚駘不及胡騶猶幸大道再清蹇足與駿
才並行各得耳此胡騶雖曰千人萬人愛若其風腹龍
髻須經巨眼不見側身行注目往長
風起於足下自矜絕代豈虛語也

觀兵

北庭送壯

龍虎數尤多精銳舊無敵

三句

邊隅今若何

妖氛擁白

元帥待彫戈莫守鄴城下斬鯨遼海波

五句

意之

此鎮西北庭李嗣業前獻士卒待命關中所送壯士龍
虎尤多蓋精銳絕倫由來無敵也我觀兵之意謂何正
為今日邊隅時勢當圖萬全先發制寇耳彼邊隅妖氛
方擁白馬而為亂此元帥待命已賜彫戈而啓行是役
也將建鄴城以討安慶緒我意圖鄴且緩先勦范陽蓋
是謂益魚思明封系緩鄴城之攻殲遼海之寇慶緒失
所援而孤城自下不亦勢順事逸哉邊隅今若何我所
策者常如此○時九節度會師討安慶緒慶緒窮蹙求
援於史思明思明發范陽兵十三萬救鄴軍於滎陽遙
為慶緒聲援思明乘崔光遠初至魏州引兵而下遂陷
魏當時賊勢慶緒倚思明為虎翼翦思明慶緒自覆也
乾元二年正月李光弼請與朔方軍同逼魏城與之

戰謂思明懲嘉山之敗必不輕出得曠日持久郭威必
潰魚湖思以爲不可九節度圍鄴但築壘穿塹爲灌城
計不料思明自魏疾引兵趣鄴官軍遂潰盩厔之挫自
取之也公曰莫守鄴城下斬節逢海波真石畫哉思明
據范陽爲遼海

憶弟

首

公自注時歸南陸渾莊

陸渾莊

定公有事之東都暫歸故里以下諸詩定爲一時作

喪亂聞吾

弟飢寒傍濟州人稀書不到兵在見何由憶昨

狂能走

野馬去憂

四句承喪亂說

卽今千種恨惟共水東流

濟州

我亂州得弟平陸消息知弟寄食窮村依傍濟

州其後臨畫無人得到欲見兵又載途弟本不狂憶
昨喪亂初弟催我走其情孔亟不啻如狂者弟豈還病
但我弟時弟方臥病至今憂弟無時去懷也此皆我

恨向誰言耶惟共濟水東流弟處庶幾書不到水到庶幾無由兄弟共水東流因得見弟湯湯濟水朝夕東流悠悠我思相見無日亦之何

且喜河南

不問鄴城圍

二句歸莊之由

百戰今誰在三年望汝

歸故園花

自發春日鳥還飛

四句總承河南定

斷絕人煙久東西

消息稀

結應鄴城圍

自至德二載十月官軍克東都安慶緒走河北河南已定此我今日得歸陸渾莊然猶據鄴九節度以兵圍之庶幾速尅而不問者喜在此忘在彼耳顧此陸渾莊昔經百戰故人之在者有幾幸與弟俱避亂他鄉今日尚在但三年內日望弟歸何以干戈未定猶須異日今河南定弟可歸矣乃花自發不見弟歸也鳥還飛不見弟歸也我在陸渾爲西弟在濟州爲東人煙斷河南消息亦可傷消息稀豈非鄴城之圍未可問哉

弟消息二首

亂後誰歸得他鄉勝故鄉直為心厄苦久念與存亡四句未得

息汝書猶在壁汝妾已辭房二句舊犬知愁恨垂頭傍我

床隱結寄書意

亂後得歸者少矣蓋故鄉殘破反覺他鄉可棲耳但我則為汝心厄苦非暫時相憶也且久念汝而願與俱

亡非此厄苦也憶在歸時得弟消息是汝昔日之

已辭房此意恨誰知我者舊犬知之垂頭繞床一似

并疑故人欲為我寄書去者可以人而他鄉耶

樹色與春庭暮花落辭故枝風回反無處四句

重漂薄難相遇二句猶有淚成河經天復東注

東流
紫利

弟樹也不幸為風所吹風能吹花樹樹不能吹
所由色與春庭俱暮一落之后已離故枝縱使

風回花無處所我與弟是矣弟所來書爲恩書書何以重骨肉恩在焉故也骨肉恩書何以重亂離漂薄不能相遇故也不真花落辭枝風回無處耶我前憶弟千種之恨付與濟水東流今日餘淚猶有成河經天而下復東注於濟州耳弟知我否

不歸

河間尚征伐汝骨在空城

二句不歸之故

從弟人皆有終身恨不

平數金憐俊邁總角愛聰明面上三年土春風草又生

六句

不歸之痛

祿山自反范陽河北諸郡望風瓦解我從弟死於河間猶望征伐息來收汝骨也今已矣長不歸矣豈非終身恨哉若論從弟人所皆有爲爾不平恨獨終身者汝俊邁而聰明耳無論其他卽算數細事俊邁可卜况年在總角聰明過人自埋骨空城三年於茲面上之土得春風而青草又生弟真不歸也已○數金二字有謂蓋數

爲六藝之一。方名書記原。幼學事接總角句可見。

洗兵馬

公自注收京後作

此篇後及新安等篇皆自注收京後作。正見兩京雖復太平尚遙。卽賈誼已治已安。臣獨以爲未也。意先是公爲華州郭使君進滅殘寇圖狀云。今大軍盡離河北。逆黨意必寬縱。臣請平盧兵馬及許叔冀等軍鄆州西北渡河。先衝收魏。遣李銑殷仲卿等軍渡河。佐之收貝博。賊若救之。則請朔方伊西北庭等軍渡沁水。收相衛候其形勢。漸進又遣李廣琛魯吳渡河收黎陽臨河等處。相與出入犄角。逐便撲滅。則慶緒之首可翹足待。誠如公言。不獨可以滅慶緒。兼可牽制思明。計不出此。九節度并力相州。至六十萬人。一齊俱潰。洗兵馬詩及新安吏等作皆有。感於此也。

中興諸將收山東捷書夜報清晝同河廣傳聞一葦過胡命危在旦夕中祇殘鄴城不日得獨任朔方無限功京師

皆騎汗血馬回紇饒肉葡萄宮

以上叙收山東之事

已喜皇威清海

岱常思仙仗過崆峒三年笛裏關山月萬國兵前草木風

成王功大心轉小郭相謀深古來少司徒清鑒懸明鏡尙

書氣與秋天杳二三豪俊爲時出整頓乾坤濟時了東走

無復憶鱸魚南飛覺有安巢鳥青春復隨冠冕入紫禁正

耐煙花繞鶴禁通宵鳳輦備雞鳴問寢龍樓曉

以上追叙收京歸功

諸將攀龍附鳳勢莫當天下盡化爲侯王汝等豈知蒙帝力

時來不得誇身強關中旣畱蕭丞相幕下復用張子房張

公一生江海客身長九尺鬚眉蒼微起適遇風雲會扶顛

始知籌策良青袍白馬更何有後漢今周喜再昌

以上見收京後

當任賢相尺地寸天皆入貢殊祥異瑞爭來送不知何國致白

環復道諸山得銀甕隱士休歌紫芝曲詞人解撰河清頌

田家望望惜雨乾布穀處處催春種淇上健兒歸莫嬾城

南思婦愁多夢安得壯士挽天河淨洗甲兵長不用

以上皆願

望之詞結
出洗兵馬

朝廷中興賴有諸將耳今日安慶緒尚據山東諸郡收
京後拔山東爲急務也諸節度會師討慶緒郭子儀先
破安太清遣使告捷尋拔衛州魏州捷書之報誠不一
次夜報以慰宵衣晝報以慰旰食無不同詞云又傳聞
子儀自杏園濟河崔光遠自酸棗濟河魯吳自陽武濟
河誰謂河廣一葦杭之慶緒之命危於諸將破竹之勢
矣所餘鄆城不日可下况朝廷獨任朔方破鄆后功何
可量哉且吐蕃助順京師多汗血之馬花門効力與宴
滿葡萄之宮兵勢如此山東諸郡反掌收耳夫山東之
收原可計日蜀道之奔實爲前車或者但喜皇威之清

海岱不思仙仗之過崆峒是豈不忘河北之意與所以然者三年笛裏頻奏關山之月萬國兵前常驚草木之風主臣有蒙塵之悲將士犯霜露之痛也今日牧山東之諸將卽前日牧兩京之諸將若成王假若郭相子儀若李司徒光弼若王尙書思禮皆智深勇沉同心協力用奏厥功凡此二三豪俊非貪天功慕封爵爲時而出整頓乾坤兩京旣收濟時功畢從此人思彈冠東走者鱸魚休憶矣從此民慶安澤南飛者安巢有鳥矣青春無恙紫禁依然且上皇旣返迎望賢居與慶今上重修人子之禮通宵鶴駕鳳輦親臨問寢雞鳴龍樓待曉人但知兩京收復鑾輿反正以爲太平景象苟非二三豪俊安能至此至若靈武諸臣自厠於攀龍附鳳本無汗馬之勞坐邀封爵之拜此皆蒙帝力乘時會夫豈得與中興諸將並誇奇績哉天下危注意將天下安注意相蕭華張鎰非其人與今日者以言蕭丞相旣留關中庶幾張子房仍收幕下張公雖爲江海客無意功名乃具慰哲奇偉有過人者以此人乎朝徵起俾之扶顛遇屋雲杼籌策安史可殄也何青絲白馬之紛紛中興可奏也何周宣漢光之不再行見太平坐致尺地寸天皆入尺風符瑞漸臻銀甕玉環交羅天關南山隱士紫芝以

歌聲上詞人。河清獻頌萬國健兒盡歸南敵。天涯思婦亦轉夢思。區區山東不足救也。今日魏州思明餘氛尙幾鄴城慶緒遺孽未除。庶挽天河以洗之。使甲兵永息。是在壯士耳。壯士謂誰。張公一生江海客。身長九尺。眉蒼者是也。○肅宗以郭子儀領朔方兵。又以魚朝恩爲觀軍容使。獨任二字有微詞焉。肅宗於回紇優禮太過。餵肉之喻。詞意痛絕。肅華初爲魏州防禦。郭子儀以崔光遠代之。故曰留或曰肅華指房琯。肅宗曾以房琯爲我之蕭何也。按琯於乾元元年六月已敗爲邠州刺史。張鎰繼房琯同平章事。未幾出爲河西節度使。又罷爲荊南防禦使。是朝廷有一張鎰不能用也。曰復用者。肅朝延復用之耳。休歌紫芝曲。望李泌出山。

新安吏

公自注收京後作雖收兩京賊猶充斥

九節度圍鄴時。湓水之戰。官軍潰而南。子儀以朔方軍。斷河陽橋。保東京。諸將繼至。議捐東京。退保蒲陝。張用濟以蒲陝存。飢不如河陽。子儀從之。用濟投所部兵。築南北城以守。新安吏以下諸章皆此時作。

客行新安道。喧呼聞點兵。借問新安吏。縣小更無丁。府帖

昨夜下次選中男行

以上點兵

中男絕短小何以守王城肥男

有毋送瘦男獨伶仃白水暮東流青山猶哭聲莫自使眼

枯收汝淚縱橫眼枯却見骨天地終無情

以上點兵而行

我軍收

相州日夕望其平豈意賊難料歸軍星散營

四句點兵之故

就糧

近故壘練卒依舊京掘壕不到水牧馬役亦輕况乃王師

順撫養甚分明送行勿泣血僕射如父兄

以上慰之辭

此點兵乎東都我行新安道點兵之聲一何喧呼問之新安吏新安吏曰府帖昨下縣小無丁不得已點中男行也顧此中男未成人身絕短小守城之役何以堪此况中男中其瘦而無母者為更苦此時送行者莫不慟哭但聞白水鳴咽東流不還青山遙隔哭聲猶在眼枯矣淚縱橫矣誰知天地無情豈以慟哭可免斯殺幸毋然哉所以點中男者守王城也守王城者相州未平也當九節度圍韜築壘穿塹壅水灌城自冬涉春

慶緒食盡人咸謂克在旦夕。豈意史思明引兵趣鄴抄掠四布。官軍出輒散歸其營。賊情難料如此。至今日退軍修備也。先是諸軍乏食。人思自潰。今就糧只因故壘耳。食不乏也。先是圍鄴時。賊兵抄掠官軍人馬牛車。日有所失。今練卒亦依舊京耳。非遠戍也。先是壅水灌城。軍士有築壘穿壘之役。今掘濠力省。牧馬役輕。無前此之勞矣。先是諸軍既無統帥。進退無所稟。軍中若樂不聞。今王師既順撫。養分明有一體之誼矣。我勳送者行者。不必慟哭。爲此之故。況侯射子儀恩同父兄。行矣。戊從懷守王城。勿以州之役逗留不前也。○相州之役。正丁戰死。因及次下。攷之周禮。凡起徒役。無過家一人。以其餘爲羨。惟田與追胥竭作大故。致餘子守王城。大故也。按太宗點兵。并點中男。魏徵諫乃罷。祖制中男不點。今日中男之點。雖非得已。時事可知。時郭子儀軍中尚有六七萬糧。故有就糧因故壘句。

石壕吏

暮投石壕村。有吏夜捉人。老翁踰牆走。老婦出門首受呼。

一何怒婦啼一何苦

以上敘石壕

聽婦前致詞三男鄴城戍一

男附書至二男新戰死存者且偷生死者長已矣室中更

無人惟有乳下孫孫有母未去出入無完裙老嫗力雖衰

請從吏夜歸急應河陽役猶得備晨炊

以上述老婦應吏之詞

夜久

語聲絕如聞泣幽咽天明登前途獨與老翁別

結還老翁

此召役桑河陽城

我從新安來暮抵邠州有村名石

壕者但見有吏乘夜捉人此村所留但老翁老婦耳老

翁已走老婦應門吏呼愈怒婦啼愈苦老婦應吏曰今

日者為九節度郡城之役我一家三男盡戍郡城郡師

潰一男附書到家知二男力戰身死一男之存者幸免

耳二男之戰死者長已矣可憐一室更無他人戰死之

男所遺者乳下孫所存者未亡人少婦繼續不堪應役

老嫗筋力何以應命今日河陽土國之功不能奮踵從

事庶得備晨炊以執勞也老婦之言如此夜久語絕幽

咽如聞未幾天明老婦遂從吏登途此老翁之踰牆走

有長別不顧矣。○既斷河陽橋以保東京。因築河陽城。當以急應河陽役。一句爲眼。新安之人召守王城。送中男者止有。石壕之人召役版築。應晨炊者止有。婦輩室役矣。起結叙事。中段從老婦口中說起。口暮役石壕村。中云。請從吏夜歸。結曰。夜久語聲絕。皆蒙暮投說前日。老翁踰牆走。老婦出門首。後曰。天明登前途。獨與老翁別。老翁老婦首尾有情。

新婚別

兔絲附蓬麻。引蔓故不長。嫁女與征夫。不如棄路旁。四句總起

結髮爲君妻。席不煖君牀。暮婚晨告別。無乃太匆忙。君行

雖不遠。守邊赴河陽。妾身未分明。何以拜姑嫜。父母養我

時。日夜令我藏。生女有所歸。雞狗亦得將。君今往死地。沉

痛迫中腸。以上叙別誓欲隨君去。形勢反蒼黃。勿爲新婚念。努

力事戎行婦人在軍中兵氣恐不揚自歎貧家女久致羅襦裳羅襦不復施對君洗紅妝仰視百鳥飛大小必雙翔

人事多乖迂與君永相望

一段勉夫

此徵兵守河陽城新婦之婦曰兔絲當附松柏今附蓬麻失其所而不長矣嫁女須得所隨斯與偕老今嫁征夫而棄擲不如耳所以然者結髮為婦期偕君床非東路旁也尋婚晨別君床木屐誠路旁之棄置也要豈得已亦有河陽守城之役耳河陽不遠似有歸期但妾方暮婚告去則當事姑嫜禮婚之父質明實見歸於舅姑乃因分明以稱姑嫜暮婚而晨卽告別則未分明就議姑嫜而自事矣轉念父母生我何等鞠育一日從夫拜仰亦得相將以俱往愛我如此今君以河陽之役竟趨死所沈溺何如况戎行未便勢難追隨願君努力勿以新婚為念耳所以隨君不果者恐軍中有婦鼓聲不揚也所以勉君勿念者我羅襦棄致紅妝已洗也彼百鳥雙翔妾豈不念人事乖迂天各一方惟有永永相望為誓夫石而已○一篇中君字凡七喚首曰結髮為君

妾下數君字皆從此出爲君妻則煖君床席不煖君床
此以君有行也爲君妻則隨君去既不得煖君床又焉
得隨君去爲君妻則爲君紅妝爲君妻則與君雙翔君
行矣君往矣不得與君同去矣紅妝則對君洗相望則
與君永凡以爲君妻也七箇君字一呼一淚嗚呼亂不
廢禮禮必順情先王之制況民生有欲莫大於婚既棄
其禮又拂其情至於暮婚晨別是何等時事東山雲雨
篇云其新孔嘉其舊如之何先王曲體人情如此諷公
詩益念范氏人
道使民之說

垂老別

四郊未寧靜垂老不得安

二句總括

子孫陣亡盡焉用身獨完

投杖出門去同行爲辛酸幸有牙齒存所悲骨髓乾

以上寫垂

老

男兒既介冑長揖辭上官老妻臥路啼歲暮衣裳單就

知是死別且復傷其寒此去必不歸還聞勸加餐

以上寫別

門壁甚堅杏園度亦難勢異鄴城下縱死時猶寬人生有
離合豈擇衰盛端憶昔少壯日遲回竟長歎萬國尙征戍
烽火被岡巒積屍草木腥流血川原丹何鄉爲樂土安敢
尙盤桓棄絕蓬室居塌然摧肺肝

以上都寫時事是垂老別之故

此遣戍守杏園土門備史思明老翁之言曰四郊多
壁尙未宴然我雖垂老未許安閒也况子孫陣沒苟活
可憐所以投杖出門不顧生死同行之人代爲我悲自
幸牙齒猶存也其如骨髓已枯何夫我雖垂老猶是男
兒介冑不拜長揖而去有何足戀所難爲情者老妻耳
我行雖則死別妻寒亦爲可憫是我我不悲已死轉痛妻
寒也乃老妻亦知我戍不歸數有加餐之好語是老妻
不憫已寒反慮我飢也此行我果何爲蓋將守杏園土
門備史思明耳此處壁壘甚固飛渡亦難較諸鄴城之
戰命懸呼吸其勢大異况人生離合何常盛衰不免四
首少壯惟有浩歎豈獨我哉萬國之民誰免征戍烽火
之愴滿於岡巒草木腥川原赤四郊未寧靜如此欲求

樂土何處爲然顧此敝廬又何足戀蓬室之居從茲永
棄肺肝之摧能勿塌然所由垂老而別也○周禮瘞大
夫之職辨其所任者其老者皆舍句踐伐吳有父母耆
老無昆弟者皆遣歸魏公子無忌救趙亦令獨子無兄
弟者皆歸養子孫亡盡老者從戎如垂老別者亦可傷
矣守土門杏園而曰勢異鄴城下者兵有王客鄴城之
役賊爲王我爲客土門杏園之守我爲王賊爲客也當
時鄴師初潰退保東京所扼要者河陽故築城以守杏
園土門卽在其處按史軋元元年十月郭子儀自杏園
濟河東至獲嘉上元間令孤彰使楊萬里請降徙屯杏
園是杏園爲河陽扼要處天寶十四載安祿山使安守
忠將兵出土門又使蔣欽湊以趙郡甲卒守土門顏杲
卿召袁履謙等西據土門李光弼以朔方兵五千東出
土門救常山寶應元年藥子昂說回紇自土門畧邢洛
懷衛等州是土門亦河陽之扼要處相州之役史思明
密知官軍潰去自沙門收整土衆還屯鄴城南守河陽
以保東京守杏園土門以
保河陽是當時用兵之勢

無家別

寂寞天寶後園廬但蒿蕪我里百餘家世亂各東西存者
無消息死者爲塵泥賤子因陣敗歸來尋舊蹊久行見空
巷日瘦氣慘淒但對狐與狸豎毛怒我啼四鄰何所有一
二老寡妻宿鳥戀本枝安辭且窮棲以上叙無家之故方春獨荷
鋤日暮還灌畦縣吏知我至召令習鼓鞞雖從本州役內
顧無所攜近行止一身遠去終轉迷家鄉旣蕩盡遠近理
亦齊永痛長病母五年委溝谿生我不得力終身兩酸嘶
人生無家別何以爲烝黎以上叙無家別之情事

此叙鄴城敗卒敗卒之言曰追維天寶盛時豈嘗寂寞我貧自天寶後也自遭喪亂田園荒蕪我里百家有
亡難覓賤子今日師潰而歸爲訪舊蹊但存空巷所見
空巷中月色無光野狐作伴四鄰鼠盡寡妻亦稀荒廢

如此仍歸不忍舍者以鳥戀故巢人當首丘也我陣敗而歸當此春日荷鋤灌畦了此餘生不意縣令聞知召習鞞鼓此役將終不免雖本州之役不爲甚難內顧子身有何繫戀然近行本州止於一身遠徙他方終於迷失似此家鄉蕩盡遠近相等况我無家雖因喪亂亦由毋死五年以來母子兩人彼此抱痛無家矣雖出門向誰作別也人生到此號爲烝黎亦何益哉先王以六族安萬民使民有有家之樂今新安無下石壕遺嫗漸婚有怨曠之夫婦垂老痛陳亡之子孫至戰敗逃歸者又復不免人生無家可以爲烝黎收足數章

杜詩關第八卷目

夏日歎

夏夜歎

所思

獨立

遺興

遺興

立秋後題

赤谷西崦

昔遊

秦州雜詩

野望

雨晴

初月

天河

東樓

山寺

天末

蕃劍

銅餅

寓目

卽事

歸燕

促織

焚火

蒹葭

苦竹

日暮

杜詩關 第八卷目

一

夕烽

秋笛

擣衣

月夜

遣興

杜詩闡卷之八

同學王日藻却非氏

華亭盧元昌文子氏述

武林弟 璉漢華氏訂

華州詩 乾元二年

夏日歎

夏日出東北陵天經中街朱光徹厚地鬱蒸何由開上天
久無雷無乃號令乖雨降不濡物良田起塵埃飛鳥苦熱
死池魚涸其涯以上萬民尚流冗舉目惟蒿萊至今大河
北盡作虎與豺浩蕩尚幽薊王師安在哉對食不能餐我

心殊未諧眇然貞觀初難與數子偕

以上夏日
歎之情

夏至後日經中街行黃道赤光徹地蒸鬱難開亟望雨
耳顧雷為雨微奈雷聲久絕夫雷動則雨驟而能澤物
無雷則雖有小雨於物不濡良田亦坐槁耳豈特良田
鳥死熱魚苦涸矣夫大時之應人事所感今萬人流冗
觸且蒿萊安史縱橫鄴師新潰所由食不下咽憂從中
來緬想貞觀年間朝有賢相政事修明時和年豐國無
天札今眇然難再求與房杜王魏數子偕者杳無其人
此可歎也○此為肅宗大權下移李輔國又歎朝廷無
賢相也乾元二年夏四月以久旱祈雨時輔國專掌禁
兵事無大小輔國為制勅公曰上天久無雷無乃號令
乖朝廷所相者李峴李揆呂諲第五琦等李峴且陳輔
國專權亂政狀輔國忌之以他事出至李揆執子弟禮
於輔國呼為五父呂諲第五琦李揆皆碌碌庸臣相之賢
者不終任其庸碌者但知阿比公曰眇然貞觀初難與
數子偕

夏夜歎

永日不可暮炎蒸毒我腸安得萬里風飄飄吹我裳昊天
出華月茂林延疎光仲夏苦夜短開軒納微涼虛明見織
毫羽蟲亦飛揚物情無巨細自適固其常以上念彼荷戈
士窮年守邊疆何由一洗濯執熱互相望竟夕擊刁斗喧
聲連萬方青紫雖被體不如早還鄉北城悲笳發鸛鶴號

且翔况復煩促倦激烈思時康

以上夏夜歎意

夏日難暮况當炎蒸亟望涼風耳俄而華月出疎光來雖無長風喜有涼月但見虛明之際已徹纖毫靈羽之微飛揚各得我何歎之有可歎者此荷戈士也此荷戈士窮年守邊求由洗濯不但永日執熱至夜猶擊刁斗雖被青紫何如林下哉於時悲笳互發鸛鶴哀號求如羽蟲飛揚何可復得言念及此轉加煩促惟有激烈感懷翹首太平而已○夏夜歎歎將帥在外不得休息難免中傷也當時鄴師之潰郭子儀退屯河上魚朝恩因

敗短之於上公曰念彼荷戈士窮年牛邊驛青紫雖被
體不如早還鄉痛其功名未立受諸中官誠不如見幾
而作耳當時宰相受制輔國將帥受制朝
忽豈非炙手之時執熱之勢二數畧同

所思

公自注得台州
鄭司戶消息

鄭老身仍竄台州信始傳

二句點
自注

為農山澗曲臥病海雲

邊世已輕儒素人猶乞酒錢

四句承
傳信

徒勞望牛斗無計斷

龍泉

結出所
思意

我望鄭老邀恩而歸今身仍竄耶憶自至德二載就收
台州至今軋元二年始傳其信傳其資生無計山曲為
農傳其潦倒日增海邊臥病傳其斯文將喪儒素已乖
傳其痛飲依然酒錢不乏其信如此遙想台州分野上
屬牛斗夫牛斗之墟劍氣所燭今龍泉劍氣雖燭牛斗
亮無雷煥發之獄中亦何日而免於竄也○鄭竄已久
日仍竄者軋元元年六月敕兩京陷賊官三司推問未
畢者皆釋之貶降者續處分公冀鄭得邀恩典歸竟不

可得故
日仍竄

獨立

空外一鷺鳥河間雙白鷗飄飄搏擊便容易往來遊草露

亦多濕蛛絲仍未收

六句寓言

天機近人事獨立萬端憂

結還正意

鷺爲猛鳥今在空外不及防矣鷗爲閒鳥今在河間自爲無患也豈知以彼空外及此河間飄飄而來搏擊甚便鷺猛如此鷗之往來容易者鷗之愚也况草露迷漾蛛絲密布哉鷺鳥空外使人不及防草露蛛絲使人不及防不及防者搏擊固忽及不肩防者羅織亦暗施何多端也我人處世自任天機人事一遺多所不測彼獨立者何能當此萬端紛遶矣○此似傷去年出華護言傾危之故

遣興五首

公將棄官志在長往
遣興諸作大指可見

螭龍三冬臥老鶴萬里心昔時賢俊人未遇猶視今嵇康

不得死孔明有知音

六句見士貴知己

又如澗底松用舍在所尋

大哉霜雪幹歲久爲枯林

四句見用舍由人

螭龍雖臥老鶴有心其未遇則然賢俊猶是也昔之賢俊幸而遇耳當其未遇何異今人如嵇康孔明有遇有不遇者一不得其死一有知己也豈獨螭龍老鶴澗底之松亦然其用其舍在人所求用之則棟梁不用則枯林見今豈無孔明知音安在耶

昔者龐德公未曾入州府襄陽耆舊間處士節獨苦豈無

濟時策終竟畏羅罟

以上表龐公

林茂鳥有歸水深魚知聚舉

家隱鹿門劉表焉得取

四句申明上意

昔有龐公抱濟時畧不入州府於襄陽耆舊間獨高處士之節者誠恐禍患不免也龐公嘗語劉表曰鴻鵠志

於高林。暮而得所棲。鼯鼯穴於深澗。久而得所宿。越全
行止。亦人巢穴。各得其棲而已。信哉。林茂鳥方有歸。水
深魚乃知聚。與古來豈無賢達人得取之者。以欲也。
神龍爲人所索。不免殪醢。猛虎爲人所縛。不免寢處其
皮。其始人得而取。其後人得而殺。是故以文種不免。越
王得。以富貴取之。以淮陰不免。漢高得。以齊王取之。龐
公攜家。高隱鹿門。劉表招之。不至。非不欲取。
不可得而取也。士亦務爲焉。得取者可矣。

陶潛避俗翁未必能達道

二句領至末

觀其著詩集頗亦恨枯

槁達生豈是足默識苦不早有子賢與愚何其挂懷抱

陶潛高行。涉致誠哉。避俗由今思之。一似未達道者。夫
惟不達道者。恨枯槁味達生。以子之賢。愚挂懷抱。而不
能自遣。我不能爲陶潛解矣。○陶潛採菊漉巾。詩酒自
娛。未嘗恨枯槁。解綬棄官。卽賦歸去來。達生未嘗不早
作責子詩。詆諧戲謔。未嘗以子之賢。愚挂懷抱。非達道
不至此。山谷曰。子美困於山川。爲不知者詬病。以爲拙
於生事。又往往諷宗文。宗武失學。故托之淵明。以解嘲耳。斯得之矣。

賀公善吳語在位常清狂上疏乞骸骨黃冠歸故鄉

即句生前

爽氣不可致斯人今則亡山陰一茅宇江海日清涼

四句歿後

古人不作近有賀知章耳知章越人能操吳語當其在位清狂一官如寄嘗夢遊帝所上疏乞爲道士遂賜鑑湖一曲卽以其宅爲千秋觀服黃冠以道士終至於今清狂爽氣渺不可得乃其山陰茅宇所謂千秋觀者尚在人間過其地挹其風江海之氣清涼日甚一似清狂爽氣蕭蕭未散云

我憐孟浩然

我憐二字直貫至末

短褐卽長夜賦詩何必多往往凌

鮑謝清江空舊魚春雨餘甘蔗每望東南雲令人幾悲吒

孟浩高人憐之者惟我耳何憐爾蓋由孟公布衣終身資志以沒也况其詩清新直凌鮑謝哉孟詩云試垂竹竿釣果得槎頭鱸今清江之中空有舊魚垂竹竿者之人長夜矣孟集云灌園藝圃以全其高今春雨所餘但有甘蔗灌園藝圃之人長夜矣彼東南襄陽正孟公所居處今日望雲悲吒正悲其衣短褐卽長夜耳昔之孟

公可憐今之孟公猶是也。○首章遣興興在隆中二章
遣興興在鹿門三章遣興興在彭澤四章遣興興在鑑
湖五章遣興興在襄陽故里皆棄官之思

遣興二首

天用莫如龍有時繫扶桑頓轡海徒湧神人身更長

四句

往命苟不存英雄徒自強吞聲勿復道真宰意茫茫

四句

平準書曰天用莫如龍矣其游戲大海宜惟所欲爲乃
或繫扶桑不能自騁一頓義和之轡徒湧海水之波良
由龍用雖神又有神人如羲和者以制之耳彼英雄亦
當審所自處保全性命徒然自強亦何益哉所以然者
上有真宰嘿嘿主之其意茫茫非人可測龍制於神人
英雄制於真宰况非龍非英雄妄自尊大多見其不度
德不量力自取滅亡而
已語意似謔懷恩輩

地用莫如馬無良誰復記此日千里鳴追風可君意君看

渥注種自與駑駘異

六句馬

不雜蹄齧間逍遙有能事

二句責成

用馬者

平準書又曰地用莫如馬然馬不同彼無良者不須記也惟千里之足疾如追風斯可君意耳但渥注名種原異駑駘當相諸牝牡驥黃之外不令與蹄齧為伍則彼得逍遙自如其追風能事必然常可君意御馬者當知審擇矣○當時良將如郭子儀被譖失卷不能有為如千里馬受羈槽枥豈能展追風之力魚朝恩本無良者命為觀軍容使大將以下受其節制譬彼駑駘必至債轅詩中既曰可君意又曰君看是在馭之者

入秦州詩

乾元二年

立秋後題

日月不相饒節叙昨夜隔玄蟬無停號秋燕已如客

四句立秋

後平生獨往願惆悵年半百罷官亦由人何事拘形役

四句

意題之

四時之序成功者退日月數定卽欲相饒而不可得昨
猶夏今已秋人事推移亦如此五月鳴蜩秋已過時號
猶未輟者若岌岌乎不安於樹動驚秋之感至於燕春
至秋歸今日之燕豈能久客我平生之願不過獨往肯
至遲暮反不自如今日罷官而去亦由人耳誰可羈縻
我者使心爲形役也我決計棄官矣○秋燕句公自言
我出華州如燕偶集今已辭去
誰爲我主人者故曰已如客

赤谷西崦人家

躋險不自安出郊已清目

清目句上領至末

白日氣暖逕轉山田

熟鳥雀依茅茨藩籬帶松菊如行武陵暮欲問桃源宿

我至秦州地有赤谷躋攀登頓幾不自安所喜出郊眼
界始曠耳但見溪回勢聚日氣常隨逕轉路幽山田恒
熟而況鳥雀歸飛都依茅宇松菊偏地皆繞藩籬似
此風景何異桃源我今投宿不猶武陵問津之人耶

昔遊

昔謁華蓋君綠袍崑玉卿人棺已上天白日亦寂寞暮升
艮岑頂巾几猶未却弟子四五人入來淚俱落余時遊名
山發軔在遠簷良醜違風顛會樓向寥廓林昏罷幽磬竟
夜伏石閣王喬下天壇微月映皓鶴晨溪響虛駛歸徑行
已昨豈辭青鞋處恨望金七藥以上叙王
屋之遊東蒙赴舊隱尚
億同志樂伏事董先生於今獨蕭索四句叙東
蒙之遊胡爲客關
塞道意久衰薄妻子亦何人丹砂負前諾雖悲鬢髮變未
憂筋力弱杖藜望清秋有興入蘆霍以上入秦思
訪董鍊師

我昔年曾遊王屋山謁華蓋君綠袍綴玉誠神仙之姿
惜人棺遐舉白日空爾耳雖巾几尚在弟子猶在乃入

門寂寞灑淚相看我山遊之興發軔於此既違夙願能
免含悽庶幾凝神嘿期冥觀於時磬聲初罷伏閣旁皇
恍見王喬跨鶴而下未幾向晨溪寂歸踪已迷回首王
喬皓鶴果安在耶只因尋山之興夢想常然所由累繭
不辭無奈紫金難得也因辭王屋遊東蒙再訪元逸人
此時同志者有李白伏事者有董鍊師踉蹌至今依然
蕭索今日遠客開塞道意久衰繫戀妻孥丹砂負約但
鬢髮雖變筋力猶堪聞董鍊師者近隱衡陽廬霍間當
此清秋杖藜而往乘興爲衡霍
遊豈以昔遊不遂道念竟衰耶

秦州雜詩二十首

前數章大意謂朝廷全師喪於安史至吐蕃失防將來
秦州不盡沒吐蕃不止後數章欲卜築於仇池東柯

滿目悲生事因人作遠遊

包二
十首

遲迴度隴怯浩蕩及關愁

水落魚龍夜山空鳥鼠秋

四句寫
秦州

西征問烽火心折此淹

留

結自
歎

悉烽火。今日生事滿目堪悲不得已而因人遠客秦州耳。顧此隴坂九折人上坂者悲思故鄉我亦遲回怯隴有魚龍水水落向夜其聲嗚咽隴有鳥鼠山山空當秋其氣蕭條况吐蕃近陷河源朝廷方事西征我此來正欲淹留值此烽火不禁心折非悲生事亦何緣為此遠遊也。○秦州古天水郡外逼吐蕃朝廷命使修好遣將西征必由於此故首章有西征烽火之悲因人者疑因東柯谷姪佐也。

秦州城北寺傳是隗囂宮苔蘚山門古丹青野殿空四句寫隗

宮月明垂葉露雲逐度溪風二句景清渭無情極愁時獨向

東二句感懷

借隗囂托諷。秦州城北此何寺耶相傳是後漢隗囂宅也。隗囂當日據天水背正朔如今安史今其宅廢爲寺矣。苔蘚滿門爲時已古。丹青野殿閑爾無人。但見露巢空明夜垂落月溪風爭逐日送歸雲耳。彼長安在西。

我心本西向長安。今此渭水無情之極。當我愁時。東向而流。亦獨何哉。○按水經注。寺枕秦山。接渭水。渭水東合冀水。又東與新陽崖水合。卽隴水。東逕瓦亭。卽隗囂使牛邯所守處。岑參見渭水。思秦川。渭水東流去是也。或曰。渭水東流長安。公已西適秦。而渭獨東流。自歎不如渭水無情之物。且能如此。亦是。

州圖領同谷驛道出流沙

二句秦州

降虜兼千帳。居人有萬家。

馬騎朱汗落胡舞。白題斜

四句降戎

年少臨洮子。西來亦自誇。

二句諷辭

賦降戎。

秦州都督領天水隴西同谷三郡。其圖志可考。我朝使者出使吐蕃。驛道不一。其近贊普牙帳者爲

勃令驛。從此而出。卽是流沙。真控制吐蕃之要地。所憂者降戎雜處耳。其隸秦州者。聯羣帳以居。或大拂廬小拂廬。有千帳之多。若秦州土著者。居人止有萬家耳。以千帳降戎雜處此萬家中。何以堪此。願此降戎其馬則驕朱汗。其舞則斜白。題宜其誇也。彼自臨洮來者。年少無知。不以爲憂。亦自誇其技擊。良可怪耳。夫秦州惟居

人鮮少故守禦者取給於臨洮年
少西來自誇幾為降戎竊笑矣

鼓角緣邊郡川原欲夜時秋聽殷地發風散入雲悲

承鼓角句

抱葉寒蟬靜歸山獨鳥遲

承欲夜句

萬方聲一槩我道欲何之

結挽前章
淹留意

咏鼓角 戌鼓角聲本邊塞防秋之具鼓角起邊郡則
川原已入夜矣其聲何如如雷出然雖曰緣邊郡實不
知起何地也覺隱地發耳秋聽故也下焉隱地發上焉
入雲悲鼓角在下何以入雲風散故耳其聲為風所散
雖曰緣邊郡而已入雲際悲聲何遠也此時抱葉寒蟬
聞鼓角而不敢鳴其聲則靜此時歸山獨鳥聞鼓角而
不敢止其棲則遲川原故自此欲夜耳夫寒蟬驚鼓角
且聲為靜獨鳥怪鼓角且棲為遲况我客子今日萬方
被兵萬方鼓角亦安能去秦州而他有所之
他有所之所由心折此淹留也

南使宜天馬由來萬匹強浮雲連陣沒秋草徧山長

應調四行

聞說真龍種猶殘老驥驕哀鳴思戰鬪迴立向蒼蒼

子儀

冀任郭子儀

沙苑別名爲南使至德二載葉護留兵

沙苑自歸取馬

元元年回紇遣驍騎三千助討慶緒

信乎此地宜牧天馬其萬匹之強由來舊矣乃相州之

役九節度師潰於滏水回紇亦止存十五騎自相州奔

還萬匹強安在哉浮雲之馬連陣沒矣秋草之生偏山

長矣獨不有真龍種乎我聞其說又不有老驥驕乎尚

有餘勇此老驥驕雖滏水之師一時暫蹶其侈力之志

未嘗敢忘蓋仰首哀鳴常思戰鬪者誰則知之惟有兀

然迴立思見亮於蒼天而已○真龍種是趙王係非廣

平王似乾元二年七月李光弼代郭子儀光弼畏魚朝

恩願得親王爲副於是以前趙王係爲天下兵馬元帥光

弼副之曰聞說者時初勅遣也老驥驕指子儀時子儀

以朝恩語召還京師蒼蒼喻君蓋子儀見

諸於朝恩庶見亮於至導殘字作餘字用

城上胡笳秦山邊漢節歸下四章

防河赴滄海奉詔發

金微士苦形骸黑林疎鳥獸稀

四句正爲漢節不歸故

那堪往來成

恨解鄴城圍

結慨
往事

傷戍卒。城上胡笳薄暮奏矣。山邊漢節亦宜歸矣。惟漢節不歸。故防河之卒已赴滄海而遙奉詔之臣又自金微而發往來何紛紛也。此時士苦形骸俱黑。征人罷疲可知。林疎鳥獸亦稀。戍士失所依可知。此往彼來更番調遣所以至此。彼滄海之卒爲安史往金微之師爲吐蕃來。能無致恨於六十萬人盡沒於鄴城之解圍哉。○至德二載肅宗遣南巨川報聘吐蕃。未幾吐蕃入。公有傷往事故。以下五章反覆使節若冀其歸。若訝未歸也。當時外有吐蕃內有安史。公恨安史未滅使節廷兵力不能專用於吐蕃。以至征戍之師往來勞苦。夫安陽之役朝廷以九節度會師圍鄴。安史有可滅之會。魚朝恩阻撓軍事。不從光弼謀。先拔魏州。反使思明引兵趣鄴而鄴城之圍解。一時六十萬人盡沒於鄴。征調紛紛有自來也。向使鄴城之師尅期盡滅。則今日征西之役專力吐蕃豈不甚快。與言及此。痛恨於安陽之役。魚朝恩阻撓軍事耳。木潰師曰解者爲九節度諱。言之

莽莽萬重山。孤城山谷間。無風雲出塞。不夜月臨關。

四句
塞上

屬國歸何晚樓蘭斬未還

二句使節

煙塵一長望衰颯正摧顏

二句總結

專諷使節不還秦州襟帶隴蜀高山萬重孤城即在
其間山多則雲長出塞不必風也月臨關則又恒疑其
不夜塞上之景如此我日望使節還也乃但見雲出塞
月臨關耳苟使者能為蘇屬國杖漢節而不屈今日雖
未歸無害也但不知能為蘇屬國否苟使者能為傅介
子斬樓蘭而後還今日雖未歸何傷也但不知能為傅
介子否我訝屬國歸何晚意者樓蘭斬
未還煙塵一望衰颯摧顏奈之何哉

聞道尋源使從天此路回牽牛去幾許宛馬至今來

四句承使

節一望幽燕隔何時郡國開東征健兒盡羌笛暮吹哀

四句

傷內冠

承上河源在天上使者尋源往從天回出來舊矣其
犯牽牛星而去誠不知為路幾許庶幾能為張騫也乃

人宛馬而歸至今亦宜早來亦何難爲李廣利耶使
節不歸亂靡有定既梁幽燕如安史者自若也竊據郡
國爲安史者更多也先是天寶十四載祿山初反朝廷
以兵籍少於京師召募十萬號天武健兒至德以來一
盡於陳濤再盡於清渠今九節度之師又潰於鄴城至
六十萬人俱盡天武健兒尚有幾人宜徧地蒐人問
吹者不勝哀怨也彼爲使者乃牽牛徒去宛馬不來耶
○前章謂使者不能如蘇武仗節傳介子立功此章謂
使者不能如張騫使絕域李
廣利伐宛得馬無非諷辭

今日明人眼臨池好驛亭叢篁低地碧高柳半天青稠疊

多幽事喧呼問使星六句老夫如有此不異在郊坰二句

賦驛亭亦諷使節秦州所見大率降戎明人眼者惟
驛亭耳驛亭臨池處柳竹蕭疎高低作勢明人眼如此
不幸處於衝煩喧呼不輟日看使節往來耳雖有叢篁
高柳之幽事誰復過而賞此若使老夫假館驛處喧地
無異郊間庶不負此好驛亭也○公思假驛亭非
慕驛亭甚言使節往來喧呼靡益爲此解嘲之言

雲氣接崑崙淅淅塞雨繁

二句雨勢

羌童看渭水使節向河源

二句時事

煙火軍中幕牛羊嶺上村

二句羌戎兼點雨景

所居秋草靜正

閉小蓬門

一句自謂

悲使節不還羌戎雜處

塞外崑崙已是吐蕃之境乃

秦州雲氣直接於此雲氣接則塞雨來矣降戎久處遺

種遂有羌童彼渭水東入於河羌戎看渭水之東流使

客向河源而不返果何為哉此時塞雨中羌戎雜處煙

火交接直遍軍中之幕牛羊相半亦滿嶺上之村若我

所居當此塞雨中秋草深蓬門閉羌戎焉得擾我耶○

水注渭水東至船司空入河上

曰看渭水下口向河源語意一串

蕭蕭古塞冷漠漠秋雲低黃鵠翅垂雨蒼鷹飢啄泥

四句承上

雨塞薊門誰自北漢將獨征西不意書生耳臨表厭鼓鼙

四句

時事

此章爲前後脉絡。當此雨後古塞冷矣。秋雲低矣。黃
鵠本摩天之翮。今翅垂雨。猛士幾困與蒼鷹。本飽颺之
物。今飢啄泥。師徒能宿飽與。况思明久據薊門。今自北
進勦者何人。征西以討吐蕃。問使臣何往。獨勞漢將也。
內冠未平。外夷方熾。中原鼙鼓。臨衰飽聞。亦獨何哉。
味薊門誰自北。漢將獨征西二句。公恨解鄴圍。反覆仗
節。良有以也。夫修好外夷。朝廷原非得已。特以內寇未
平。時事多故。姑借修好。以戢夷心。使得專力。以除內寇。
然此乃使臣之職。誰料使節空煩。修好不驗。使今日東
征將士。重有西征之役也。薊門自北。卽直搗幽燕意。當
時直搗幽燕之說。先見者清河客李萼也。李光弼郭子
儀亦請引兵直取范陽。覆其巢穴。繼則李泌勸肅宗遣
安西西域之衆。並塞西北。自歸檀南。取范陽。薊門誰自
北。傷直搗幽燕之無人。漢將獨征西。諷使臣報聘之無
效。語意至
此並透。

山頭南郭寺水號北流泉老樹空庭得清渠一邑傳秋花
危石底晚景臥鐘邊

六句南郭寺

俛仰悲身世溪風爲颯然二句

感懷

賦南郭寺。秦州有城北寺，又有南郭寺。城北寺枕秦山，接渭水。南郭寺控山頭，帶北流，所見寺中老樹，占空庭之勝，似獨得者。至於北流泉，卽清渠，名清水者，爲一邑所傳，於時危石之底，秋花生焉。一何失所，臥鐘之邊，晚景落焉，能幾何時？凡此皆俛仰所及者。仰則見山頭寺，俛則見北流泉。仰則見老樹婆娑，俛則見清渠湛淨。仰則見沉沉焉，鐘邊晚景；俛則見冉冉焉，石底秋花。一俛一仰，身世之悲交集矣。夫身世之悲，只自悲耳。乃溪風亦颯然而動，似溪風亦知我悲者，知我悲，亦惟溪風而已。

傳道東柯谷深藏數十家

二句領至末

對門藤蓋瓦映竹水穿

沙瘦地偏宜粟陽坡可種瓜船人相近報但恐失桃花

賦東柯谷。秦州枕山麓，有東柯谷者，人曾傳道其可居。云：此間深藏者有數十家，此數十家其對門之藤，直蓋於瓦，其映竹之水，曲穿於沙。其谷中地雖瘦，偏宜種栗。其谷中坡向陽，更可種瓜。傳聞如此，何異桃源？况船

人近更相報謂舍此不居是失桃源也夫
桃源可失乎哉○公姪佐居此故曰傳道

萬古仇池穴潛通小有天神魚久不見福地語真傳

四句仇池

近接西南境長懷十九泉何時一茅屋送老白雲邊

四句卜居

池仇

賦仇池不獨東柯更有仇池仇池四面斗絕爲小有
洞天附庸此地潛通可以避世穴有神魚食之者仙
雖則云然久不見矣至洞天爲福地此則語真傳耳况
西南一帶正十九泉所在爲神魚所出者仇池近接之
我平生生長懷此地思於白雲深處一
茅終老今客秦州庶幾足遂我願耳

未暇泛滄海悠悠兵馬間塞門風落木客舍雨連山

二句承兵

阮籍行多興龐公隱不還東柯遂疎嬾休鉏鬢毛斑

四句

隱承泛
滄海

承東柯谷 我壯年便志浮海今未暇泛而客秦州者
只爲烽煙未靖且寄身兵馬間耳夫兵馬間何堪久處
况塞門吹落木之風客舍有連山之雨乎每念阮籍車
轍率意獨行龐公山處採藥長往二賢何等疎曠彼東
柯不誠得遂我疎曠亦何妨爲阮籍龐公白髮種種撫
爾不顧矣然則滄海雖未暇泛庶不終於兵馬間哉

東柯好崖谷不與衆峯羣落日邀雙鳥晴天卷片雲野人

吟險絕水竹會平分

五句總言
崖谷之好

採藥吾將往兒童未遣聞

結還卜
居意

承上

秦州之山莽莽萬重東柯之崖谷獨好者於衆

山中卓絕不羣耳落日有情若邀雙鳥晴天無意偶卷
片雲而且野人之吟常於險絕水竹之勝會許平分此
皆衆峯所無者定須投老於此所慮兒童聞之徒亂人
意我行不果矣此行採藥休遣兒聞果哉長往我棄妻
子如敝屣也○十三章有映竹水穿沙句故此章有水
竹會平分句

邊秋陰易夕不復辨晨光

二句領至末

簷雨亂淋幔山雲低度

嚮鸕鷀窺淺井蚯蚓上深堂車馬何蕭索門前百草長

六句

總寫秋陰

客舍苦雨

邊秋多陰未夕恒夕故有晨若無晨晨光

亦不復辨也客舍有幔簷雨淋幔者亂不可止客舍有

嚮山雲度嚮者低不復開客舍有井鸕鷀性貪而捕魚

今窺淺井是使客子不有此井客舍有堂蚯蚓性廉而

飲泉今上深堂似憐客子獨處此堂無非秋陰使然此

時車馬蕭索蓬蒿滿門寂寂秋陰晨昏不辨客子窮矣

○鸕鷀水鳥宜江湖今窺淺井蚯蚓土蟲宜野壤今上

深堂皆失其所九歌易何萃兮蘋中營何爲兮木末大

意相

似

地僻秋將盡山高客未歸塞雲多斷續邊日少光輝

承秋將盡

警急烽常報傳聞檄屢飛西戎外甥國何得近天威

四句客未

故歸之

隱讓使臣 秦州僻矣况值秋盡亟望使節歸耳其如
山從高使客未歸何於時塞上之雲頻有斷續邊地之
日亦少光輝地僻秋將盡如此所見者烽常報所傳者
檄屢飛吐蕃正復充斥彼吐蕃於我本屬甥舅亮天威
揮神誰復城通或使臣啓費故耳山高客未歸是可歎
也○貞觀間太宗以文成公主下嫁弄贊弄贊執婿禮
甚恭景龍間中宗又以金城公主下嫁普贊普贊表稱
世尚公主義同一體中間張玄表等與兵寇欽遂使二
城交惡甥深識尊卑安敢失禮是吐蕃不敢犯天威也
其後明皇仆金城公主所立赤嶺碑遂失吐蕃心然至
德初尚有助討祿山之請二載南巨川報聘反陷西平
又陷河源先王駟夷羈縻不絕修好雖非上策罷兵息
民不失爲中策今使客不還烽常報檄屢飛豈西戎敢
近天威實爲使者辱君命啓邊釁也公特隱其指微其
辭曰西戎外甥國何得近天威欲爲使者
自維其故前數章疊諷使臣至此並透

鳳林戈未息魚海路常難候火雲峯峻懸軍幕并乾風連

西極動月過北庭寒

六句收前西征一事

故老思飛將何時議築壇

二句任將

承上吐蕃未平鳳林之戈何時得息魚海之路至今為難於時斥堠之火連峯舉者熾而且高孤懸之軍掘井飲者往往無水彼西極為吐蕃之處風連欲動北庭為控吐蕃之處月過加寒此時亟須飛將欲得飛將亟須築壇屬在故老昧昧我思日望之矣○易曰井收勿幕井口為牧勿幕以資汲者今日幕井是無人汲也無人汲是無戍也凡軍旅所在必先論井泉漢時耿恭以匈奴擁絕澗水穿井不得水恭整衣向井拜水泉湧出今日幕井乾水竭可知亦見時無耿恭故思子儀也風連西極動吐蕃有飛揚之勢月過北庭寒似傷李嗣業嗣業為北庭節度乾元二年正月鄴城之役中流矢薨故老公自謂飛將指子儀公意子儀雖有鄴師之漬不妨使收效於吐蕃故前曰仍殘老驕驕此曰故老思飛將

唐堯真自聖野老復何知

二句領至末

曉藥能無婦應門亦有

兒藏書聞禹穴讀記憶仇池爲報駕行侶鷁鵲在一枝

結出藥官之素意。今日唐堯誠然自聖我爲野老不識不知亦順帝之則耳。野老隱矣有借隱之人。曉藥養生安能無婦應門待客幸亦有兒有借隱之地。昔日教書曾聞禹穴至今讀記尚想仇池至若駕行舊侶自佐唐堯鷁鵲小禽甘棲似陳東柯一枝從此逝矣。○學道者必曰棄妻孥長住者必俟婚嫁畢終是識力未透蓋對孺人抱屏子不害做通高致嬌妻子入鹿門適成龐公逸節梁鴻有借隱孟光陶潛有侯門釋子古來達士豈必定舍妻孥公曰龐藥能無婦應門亦有兒是本分佳話

野望

清秋望不極迢遞起層陰

二句領至末

遠水兼天淨孤城隱霧

深葉希風更落山迴日初沉獨鶴歸何晚昏鴉已滿林

天空秋霽一望無極迢遞之處又起層陰但見遠水與長天一色孤城與薄霧俱深藥已落矣因風更稀山從

迴也夕陽初沒鵲歸何晚鵲宜晚也鵲棲滿林鵲宜滿
我野望真無極矣○清秋爽氣層陰蔽之是小人蔽君
之象見幾者能遠於害獨鵲是也
昧於幾者爲羣鵲應有滿林之棲

雨晴

天際秋雲薄從西萬里風今朝好晴景久雨不妨農

四句晴景

塞柳行疎翠山梨結小紅胡笳樓上發一雁入高空

四句晴景

雲從秋薄風自西來雨晴候也此今朝之景分外加好
夫雨川妨農既晴雖前此久雨農事何妨或豈特農事
塞柳疎翠因風成行山梨小紅得雨亦結况入耳者笳
聲秋風送之觸目者雁行秋雲隨之笳聞樓上雁入高
空亦雨晴使然
晴景真好矣

初月

光細弦欲上影斜輪未安微升古塞外已隱暮雲端

四句實寫

初月河漢不改色關山空自寒庭前有白露暗滿菊花團四句

虛寫初月

初月何如弦未上欲上輪將安未安凡以光尚細影猶斜耳方其微升勢若當空未幾已隱光難普被於時河漢之色依然如故關山之處徒然自寒月光明則花露亦明月光暗則花露亦暗雖曰初月猶無月也

天河

常時任顯晦秋至最分明

二句領至末

縱被微雲掩終能永夜

清含星動雙闕伴月落邊城牛女年年度何曾風浪生

天河常時聽其顯晦一當秋至分外分明豈無微雲掩其光彩然於永夜終自常清也况含星浮闕常近至尊伴月沉城勿傷淪落其分明又如此彼牛女渡河常於秋至天河任其自渡風浪不生河身有定故其分明亦有常耳○詩意謂君子處遇顯晦隨時亮節耿耿時窮顯見不猶天河常時任顯晦秋至最分明乎雖有小人

流言暫掩其光，乃其常明之體，終不爲其所蔽，不猶天河縱被微雲掩，終能永夜清乎？含星動雙闕，天河近而有光。君子心依至尊，亦若是耳。伴月落邊城，天河遠而有耀。君子自安還，棄亦猶是耳。况世自風波，吾嘗安止。彼天河映水結體，牛女雖渡，風浪不生，亦由其體恒定也。黃鶴云：公爲小人所間，出華州，故詠此。

東樓

萬里流沙道，征西過此門。但添新戰骨，不返舊征魂。

四句東樓

時事樓角凌風迥，城陰帶水昏。

三句東樓之景

傳聲看驛使，送節向

河源。

挽合前四句

秦州東樓下有驛道，茫茫萬里，卽通吐蕃之流沙道也。願此城門征西者，年年過此，但見其自此門去，幾見其自此門返。從前去者爲舊征魂，今日往者爲新戰骨。於此日滅於彼日添也。於時樓上吹角，凌風彌迥。城隅向陰，帶水常昏。彼河源使節正往吐蕃和好者，和好以罷一息戰，庶征西之過此門者得而少止。寄語驛使送節。

河源則有人望其遙歸果
何日幸勿爲吐蕃所羈哉

山寺

野寺殘僧少山園細路高麝香眠石竹鸚鵡啄金桃

二句隱承

殘僧少亂水通人過懸崖置屋牢上方重閣晚百里見纖毫
四句承足細路高

野寺山僧所餘無幾寺在山上路細且高山園內森森
石竹麝香間眠瑣瑣金桃鸚鵡巧啄所見止此僧誠少
矣細路之高何如俯見亂流渡者行人過而不阻仰見
懸巖構者屋宇置而偏牢所憑既高故能見遠百里纖
毫都在眼中上方高重閣深晚則暗百里遠纖毫微而
乃畢見故爲奇也○按天水園經東柯谷南麥積山有
瑞應寺閣道縈旋上下千餘尺故詩云山園細路高上
下水縱橫可涉故詩云亂水通人過又玉堂閒話云麥
積山梯空架險而上其間千房萬室懸空躡虛故詩
口懸崖置屋牢高檻可以眺遠故詩曰百里見纖毫

天末懷李白

涼風起天末君子意如何

領下六句

鴻雁幾時到江湖秋水多

文章憎命達魑魅喜人過應共冤魂語投詩贈汨羅

所流夜郎地屬天末涼風起此意何如哉庶幾鴻雁北鄉可以寄書今也杳然況在水一方溯洄從之道阻且長也彼文章與命從來相左命達則文章賤文章高則命窮所以憎命達魑魅爲小人之類與君子原不相能宜乎喜其來而甘之既阻於鴻雁又達於江湖既見阻於文章又見害於魑魅君子之意果如何哉古屈原亦君子也兩流夜郎原放湘江爾之心卽屈原之心是爾之心惟屈原知之想爾此時惟有投詩以贈汨羅與屈原之冤魂共語爾君子意何如庶幾如此

蕃劍

致此自僻遠又非珠玉裝如何有奇怪每夜吐光芒虎氣

必騰上龍身寧久藏

六句番劍

風塵苦未息持女奉君王

結到此

字二

俗眼於物必耳目近玩而珠玉裝者為奇怪番劍異是每夜光芒咄咄逼人者何故蓋由此劍有虎氣係龍身耳今日風塵未靖君王須用正急持汝奉之行見虎氣龍身光芒滿六合矣

銅餅

亂後碧井廢時清瑤殿深銅餅未失水百丈有哀音

二句承時

清側想美人意應悲寒甃沉蛟龍未缺落猶得折黃金

四句

承亂後

喪亂後碧井廢矣雖有銅餅無可效能若前此時清瑤殿自深嗟爾銅餅幸供汲取在銅餅自以時清瑤殿從此長被收錄勿悲失水乃人情當汲水則用之失水則棄之誰念未失水時架轆轤牽素繩哀音有至今在耳

者彼美人誠想手挽銅餅牽絲秋水日今沈寒釐豈不
惻然寧失水竟遐棄哉况此銅餅雖然失水其刻畫蛟
龍黃金兩耳縱然缺落猶堪折取銅餅未可棄矣○銅
餅汲水於碧井猶士君子効能於國家銅餅見用於美
人猶士君子不見棄於君王特
所悲者失水耳全是放逐之感

寓目

一縣蒲萄熟秋山首宿多關雲常帶雨塞水不成河羗女

輕烽燧胡兒掣駝

六句寓目

自傷遲暮眼喪亂飽經過

二句寓目

之感

惟西域人種蒲萄釀酒種苜蓿餵馬秦州內地亦生此
種土物如此尚堪寓目否且關山多陰雲常帶雨塞地
多沙水不成河風景如此尚堪寓目否烽燧何物而輕
之輕烽燧習烽燧也羗女猶然羗兒可知駝駝何物而
掣之掣駝駝習駝駝也胡兒且然壯者可知種類如此
尚堪寓目否彼伊川披髮辛有傷之今土物則蒲萄苜

宿風景則閉雲塞水種類則羗女胡
兒自傷老眼喪亂飽經感慨係之矣

卽事

聞道花門破和親事却非

二句領至末

人憐漢公主生得渡河

歸秋思拋雲髻腰肢臙寶衣羗兒猶索戰回首意多違

國家資花門兵以討賊故有和親一事聞道湫水之敗
脊受亦潰奔京師可汗隨死是花門亦破矣昔年以公
主下嫁本資其兵力今花門潰可汗死國家和親之事
應悔其非我聞可汗死時國人欲以公主殉公主曰回
紇萬里結鄰本慕中國吾不可以殉故今日得渡河生
還也可汗死公主雖不殉聞亦爲勢面而哭爲可汗居
發宜今日歸拋雲髻餘寶衣耳朝廷向資花門以助戰
今賊猶索戰而花門破公主歸回首和親不亦意多違
哉○蔡氏曰時回紇爲史朝義誘之爲寇故曰回首意
多違此係上元間事非公主聽歸之年按史朝元二年
秋史思明命諸郡太守各將兵從
已向河南分爲四道是羗兒索戰

歸燕

不獨避霜雪其如儔侶稀四時無失序八月自知歸

今秋

之來春歸之春色豈相訪衆雛還識機故巢倘未毀會傍主人飛

四句

之訪

燕歸人知其避霜雪耳不知爲秋來去盡儔侶已稀也
四時有序八月知歸與時推移道固如是然秋去春來
春色雖無訪爾之日春來燕至衆雛原有識機之明春
色回則霜雪消衆雛至則儔侶集故巢無恙乎主人不
棄乎今日歸燕依然明年來燕特難必者主人耳○嘗
讀谷風棄婦始曰無逝我梁無發我笱何其厚也至曰
我躬不閱遑恤我後又歎其失絕之甚公曰故巢倘未
毀會傍主人飛明知故巢已毀不敢謂主人無恙拳拳
然猶冀主人勿棄身雖棄官心還戀主也
彼前度劉郎玄都觀裏之作何足語此

促織

促織甚微細哀音何動人草根吟不穩牀下夜相親

二句承哀

音

久客得毋淚故妻難及晨

二句承動人

悲絲與急管感激異

天真

二句總結

促織細甚哀音動人哀音何如如始吟草根寒侵不穩繼入牀下夜久相親彼人之可哀者莫如久客與故妻蓋久客為無家之人故妻為已棄之婦聽此哀音安能忍淚及晨也所以然者促織之音發於天真非急管哀絲可比故其感激為獨切云

螢火

幸因腐草出敢近太陽飛未足臨書卷時能點客衣

承首句

隨風隔幔小帶雨傍林微

承次句

十月清霜重飄零何處歸

結意仍歸腐草

螢火時當季夏。已是三陰。幸因腐草化而爲質。敢近太陽飛哉。蓋太陽爲君位。螢火本宵行。譬彼小人。亦欲上亢至尊。終不敢者。地位使然耳。惟其因腐草而出。故以臨書卷。則不足。彼書卷之氣。原不相親也。點客衣。則有餘。彼塵污之性。其所從來也。惟其不敢近太陽。故脂韋之態。則隨風飄。帶雨落。猥瑣之姿。則隔幔小。傍林微。況消霜一至。飄零無所。亦終歸腐草耳。其無持危之節。又如此。

兼葭

摧折不自守。秋風吹若何。暫時花載雪。幾處葉沉波。體弱春苗早。叢長夜露多。四句承摧折不自守江湖後搖落。亦恐歲蹉跎。

二句結秋風吹若何

兼葭弱卉。自守難矣。至秋而敗。亦奈之何。當其暫時花亦帶雪。不知幾處葉已沉波。良由體弱苗早。故亦先摧。叢長露多。故難持久。其摧折不自守如此。至於江湖搖落。空悲歲暮。嗟何及耶。秋風吹若何。誠不知若何矣。○

此言庸碌人其平生不能植立大節易奪是挫折不自守秋風吹若何也當其依附權貴亦藉榮施不知到處披靡已喪氣節是暫時花戴雪幾處葉沉波也其趨榮常在入先得時最早其乞憐恒於暮夜感恩最多是體弱春雨早叢長夜露多也一當患難與時變遷火災昆岡玉石俱碎是江湖後搖落亦恐歲蹉跎也藤山之叛如陳希烈張均兄弟皆因貪位希寵不自樹立使然至六等定罪誅者誅自盡者自盡兼葭之作有以也夫國風兼葭本懷伊人此以不自守說入意別有寓

苦竹

青冥亦自守軟弱強扶持味苦夏蟲避叢卑春鳥疑軒墀

曾不重翦伐欲無辭

四句承軟弱強扶持

幸近幽人屋霜根結在茲

二句結青冥亦自守

竹爲苦竹雖則不高乃亭亭青冥亦能自守人見其軟弱若可壓以勢力不知其勉強扶持自守原不可奪彼

夏蟲感陰氣而生為趨炎之物竹味苦宜為夏蟲避也春鳥乘時令而出有高舉之態竹枝卑宜為春鳥疑懼此春鳥疑也夏蟲避庶可遠嫌春鳥疑不免見猜苦竹於此極難耳夫苦竹既分軟弱之質亦何敢托處軒墀即軒墀亦不重之苦竹雖無軒墀之分亦何至下夷剪伐即剪伐亦何必辭也其軟弱強扶持如此見輕於軒墀燕見重於幽人欲遠夫剪伐須善保其霜根今也幸近幽人屋春鳥夏蟲所不及者霜根結在茲又何軒墀剪伐之庸心為其青冥亦自守如此

日暮

日落風亦起城頭烏尾訛黃雲高未動白水已揚波

二句

風亦起之景 羌婦語還哭胡兒行且歌將軍別上馬夜出擁彫

戈 四利城頭烏尾訛之意

日落風起城頭之烏尾亦動有漢時城上烏尾畢逋之象此時日落黃雲未動此時風起白水已波不但烏尾

訛動耳。羌婦胡兒且哭且歌。哭可悲。歌可畏也。征西將軍別秦城而上馬。乘夜出關。擁彫戈以征吐蕃。真有不遑寧處者。日暮所見如此。

夕烽

夕烽來不近。每日報平安。塞上傳光小。雲邊落點殘。照秦通警急。過隴自艱難。四句承聞道蓬萊殿。千門立馬看。二句

結報平安

塞上烽有報平安者。每夕一舉。傳至京師。每月報惟恐一日不報也。始而塞上傳光。其烽猶小。繼而雲邊落點。其火將殘。當塞上傳光。故照秦通警急之報。及雲邊落點。則過隴有艱難之憂。其來不近。如此遙想。至尊當此旤食。惟恐平安之火不至。故每夕候火立馬千門。但未卜每日報平安果得平安否也。○結意似諷守禦諸臣。安邊無策。徒使蓬萊殿上望烽火為憂喜。

秋笛

清商欲盡奏苦血霑衣

二句領至末

他日傷心極征人白骨

歸相逢恐恨過故作發聲微不見秋雲動悲風稍稍飛

五音中商音主殺其聲不堪盡奏盡奏則血淚霑衣也所以然者此曲爲傷心極耳最傷心惟商音最傷心惟征人聽此曲者大半多屬征人以傷心人聽傷心曲今日血霑衣者正爲他時白骨歸也惟其然此相逢盡奏者恐征人聞之恨其過情故作微聲不忍盡奏豈獨征人彼秋雲悲風本無情之物清商一奏亦似傷心而動者停飛者緩吹笛者看秋雲聽悲風清商之音忍盡奏耶

擣衣

亦知戍不返秋至拭清砧

二句領至末

已近苦寒月况經長別

心寧辭擣衣倦一寄塞垣深用盡閨中力君聽空外音

戍婦曰。戍人不返。吾豈不知。近者戍臨洮。河源之陷已
不返。戍河北。鄴師之潰已不返。戍河陽。鄭滑等州之淪
沒已不返。今日之戍。斷其必不返耳。然我戍婦。秋至拭
砧者。念征夫苦寒。又經長別。故不惜勞苦。遠寄塞垣。雖
身不能至。庶幾征夫聞空外砧聲。知我閨中擣衣之力耳。戍婦之言如此。

月夜

戍鼓斷人行。秋邊一雁聲。露從今夜白。月是故鄉明。

四句月夜

有弟皆分散。無家問死生。寄書長不達。况乃未休兵。

四句憶弟

戍鼓一聲。人行遂斷。邊塞嚴警。有如此者。此時所聞。惟
有雁聲。雁為兄弟之鳥。如之何所聞者。止一雁聲耶。何
夜無露。今夜加白者。月為之也。何地無月。疑是故鄉者。
有弟在彼也。故鄉有弟。月應照之。遭此亂離。都應分散。
故鄉有家。月應照之。弟既分散。焉知死生。計惟寄書耳。
從前寄書。往往不達。况今東都一路。兵馬皆休。縱使寄
書。亦屬浮沉。惟有對月相憶而已。○是年九月。
史思明陷東京。及鄭滑齊汝四州。故曰未休兵。

遣興

干戈猶未定弟妹各何之拭淚霑襟血梳頭滿面絲地卑

荒野濶天遠暮江遲

二句應首聯

衰疾那能久應無見汝期

二句

聯

戈望干戈定訪弟妹今猶未定即弟與妹亦不知一方
與否而各何之也所由淚枯成血髮變為絲耳遙想江
南干戈未定不識地卑天遠荒野暮江間弟妹果在耶
否耶我年日老更加多病直恐死喪已近無幾相見如
之何不悲也○前章憶弟若穎若觀在河南者故曰故
鄉此章憶弟妹弟豐在江左妹韋氏在鍾離詩中地卑
江遠可見江南自永王璘反後久為戰場公後寄豐詩
聞汝依山寺杭州定越州至於妹同谷七歌曰有妹有
妹在鍾離良人早歿諸孤癡此曰弟妹各何之直恐杭
州越州鍾離諸處一經喪亂無有定所公送韓十四江
東又云我已無家尋弟妹

八卷終